



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

**Name of School** : PO LEUNG KUK SIU HON SUM PRIMARY SCHOOL

**学校名称** : 保良局萧汉森小学

**Name of Play 剧名** : 不可思议事件簿

**Script writer 剧作者** : 张宝雯老师

**Synopsis 故事大纲 :**

传说只要把愿望放入学校厕所的马桶内，无论什么愿望也可以实现。假若你可以许愿，你会许什么愿望呢？这个马桶又会发生什么事情？《不可思议事件簿》自有分晓！



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

## 第一场

(众人围埋一齐坐下)

阿贤 上星期我去厕所，听到格厕有啲怪声，我咪行埋去睇下咩事嘢，点知个格厕所度门系锁住左，我谗住睇下边个系入面啦，我咪由门底装入去，入面竟然.....无脚架~~

姐妹 哗！好恐怖呀！

大良 跟住你点呀？

阿贤 梗系走啦！

贪玩 咪住，根据你以往既记录，会唔会系你听错呀？

机王 系啲，老师通常一叫你答问题，你都话吓？咩话？

韩迷 系啦，你成日都话听唔清楚老师既问题，会唔会你听错呀？

阿贤 平时我系听唔清楚既系老师问既问题，但系我唔系聋架。而且，个日成个厕所得我一个咋麻。

妹 哗！好得人惊呀！

珊 都唔系好惊姐。我听过另一件事都系关于学校厕所架！

姐妹 呀~~~好惊呀！

珊 哗！你地惊成咁，咁我唔讲啦！

姐妹 吓！讲啦，我地想听啲！

珊 咁你又话好惊~~~

姐 我地系好惊呀！

妹 但系，我地又想听啲。

珊 乜你两姊妹咁麻烦架！

全体 讲啦！（阿贤走，关灯）

全体 哗！

珊 （电筒）传说只要将愿望写系纸上面，然后诚心对住个个马桶许愿，再将愿望纸掉入个个马桶，无论你许乜野愿，个愿望就会实现架啦！

姐妹 哗！好恐怖呀！

众人 有几恐怖呀？

姐 用马桶许愿啲

妹 咁污糟，梗系恐怖啦！

贪玩 真唔真架？

珊 都话系传说咯，点知啲！你想知呀？你试下咪知嘢。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

阿贤                    你话个个马桶，即系边个呀？  
珊                      咪五楼女厕最尾个格嘢。  
阿贤                    个格？咪头先我话有怪声个格嘢。  
姐                      吓？咁恐怖？  
妹                      系超恐怖呀！  
姐妹                    好惊呀！  
老师                    喂！萧小剧团同学，咪挂住倾偈呀，排戏啦！  
众人                    知道！  
                            撞鬼你地呀？排戏啦！

## 第二场

( 贪玩及机王韩迷鬼鬼祟祟走入厕所，见无人走入厕格 )

贪玩                    (VO) 我地现在诚心许愿，我想系上堂时候钟意几时玩就几时玩。  
机王                    我想系上堂时候任睇 Ipad，仲可以玩第五人格、皇室战争、mine craft、食鸡、传说对决，哗，谗起都兴奋呀！ (SHU)  
韩迷                    我想系上堂个阵，玩角色扮演，例如扮韩星啦，Signal, TT, What is love!  
机王                    咦！  
韩迷                    咩姐？  
贪玩                    (VO) 冲厕 (冲厕声)  
贪玩                    走啦！

(大良小良鬼鬼祟祟入厕所)

小良                    哥哥，你个同学讲既系咪真架？  
大良                    唔知架，咁你想唔想愿望成真呀？  
小良                    梗系想啦！  
大良                    咁就不要问，只要试。  
小良                    哦，不要问，只要试。  
大良                    一阵我做乜，你跟住我做。  
小良                    哦

(大小良入厕格)

大良                    (装马桶)我地现在诚心许愿，我地想要乜，妈妈都俾乜我地。



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

小良                    我地想要乜，妈妈都俾乜。  
大良                    冲厕  
小良                    冲厕  
大良                    我叫你冲厕呀！  
小良                    我叫你冲厕呀！  
大良                    唔系呀，你宜家禁冲厕掣呀！  
小良                    哦（冲厕声）

### 第三场

（课室）（左灯区）

机王                    死啦，一阵默书，你地温晒未？  
贪玩                    未呀！  
机王                    咁你呢？  
韩迷                    未呀！  
机王                    咁你呢？  
珊                        仲讲？快啲温啦！  
小勤                    死啦，如果今次唔合格，我补习要加时呀！  
贪玩                    你咪吓我啦！  
老师                    同学，你地系度做紧乜野呀？  
全体                    温默书嘍！  
老师                    咁温好未呀？  
全体                    未呀！  
老师                    咁你地想点呀？  
贪玩                    老师，可唔可以唔默书呀？  
老师                    唔默书？  
老师                    唔默书，咁你地想点呀？  
贪玩                    玩  
机王、韩迷            老师，我都想玩呀！  
老师                    你地两个企埋起身。  
老师                    仲有边啲同学想玩架？（全体举起，除博士小勤）  
老师                    （指博士小勤）你地两个呢？